

Surat khabar: Utusan Borneo (Berita Iban)

Hari/Tarikh: 11/4/2016

Muka surat: 11

Tajuk : Sistem Ultrafiltration ulih mutarka penanggul bekal ai irup di pesisir

Sistem Ultrafiltration ulih mutarka penanggul bekal ai irup di pesisir

SELANGAU: Pengawa mungkal Sistem Ultrafiltration (UF) entara jalai ke ulih dikena mutarka penanggul bekal ai irup beresi di kandang menua pesisir di Sarawak enggau Sabah.

Menteri ba Opis Menteri Besai, Datuk Joseph Entulu Belaun madahka, Sistem Ultrafiltration ke ngena kuasa mata panas tauka eleterik ke beungkus urung RM100,000 seunit nya endang engkeman enti beratika gaya rampa menua di Sarawak.

"Niat aku sigi deka mai projek tu ngagai serap menua pesisir di Sarawak enggau Sabah beppangai ba belanja.

"Di Semenanjung Malaysia, peminta nyangka enda mayuh, nya alai pemerat ngagai kitai di Sarawak enggau Sabah," ku iya nerang.

Entulu mansutka jaku nya ngagai raban pemerita pengudah bejadika Demonstrasyen Sistem Ultrafiltration untk Ai Irup di Rumah Senabong, Batu 42, Jalai Sibu-Bintulu, ensanus.

Sistem UF ditempa seraban ini inir ari Universiti Malaya enggau kerejasama Universiti Malaysia Sarawak (UNIMAS) sereta dikemansangka Malaysia Innovation Hub (MIH).

Entulu ke mega Kaban Parlimen (MP) Selangau madahka, Sistem Ultrafiltration ke udah dipasang di Rumah Senabong deka dikena nguji sereta deka terus dipejalaika laban udah dipelanja nengah belanja ke diberi Opis Menteri Pelajar Tinggi.

Iya mega minta ketuai komuniti di sitak Parlimen Selangau nganjung rintai nama rumah panjai ke deka minta



BEJADI: Entulu (kanan) bejadika Pengawa Demonstrasyen Chara Ngena Sistem Ultrafiltration. Bela bisi dipeda Mohamde Kheireddine (kiba), Arham (dua kiri) enggau Mohd Azlan (tengah).

nguna sistem UF nya.

"Aku udah minta rintai rumah panjai laban kitai enda ulih meri genap rumah panjai ke kediri ketegal suntuk belanja.

"Nya alai, ke udah diperambu aku iya nya ngiga genturung rumah panjai enggau nembiak redak iya sereta pemerat kitai ila ngagai menua pesisir ke endang jauh arijalai alum lalu diasaika udah kelalu lama bedau ngasaika bekal ai paip.

"Nangkan nya, rumah panjai ke nadai mayuh mensia deka diperundingka nguna chara bukai dipelaba deka diteruska enggau Sistem Graviti tauka alternatif ke bukai," ku iya.

Lebuhka ditanya pekara mandingka Sistem Ultrafiltration enggau Life Saver, Entulu nerangka, dalam timpuh panjai ari pekara belanja sistem nya endang patut enti dibanding enggau Life Saver ke besai belanja dikena servis.

"Di Selanggau, aku bera- tika sekeda unit Life Saver nyentukka sehari tu bedau dikena taja udah dipasang. Kebuah pia laban peranak menua nya bedau entu nemu ngena iya taja chara nguna udah diterang,"ku iya.

"Sistem Ultrafiltration muntang amat dikena, semina nekan suis pasang tutup," ku iya.

Rumah Senabong nyadi rumah panjai keterubah di Sarawak ngena Sistem Ultrafiltration.

Pemasang Sistem Ultrafiltration dipelanja nengah geran Opis Menteri Pelajar Tinggi sereta udah diuji di sekeda endur di Malaysia, nyengkaum Termerloh, Pahang maya ampuh laban bah ujung taun 2014 suba.

Sama bisi datai iya nya Sapit Dekan UM Prof. Dr. Mohamed Kheireddine Arroua, Ketuai Opis Injiniring Kimia UM Prof. Ir. Dr. Mohd Azlan Hussain, enggau bala ke bukai.